



«13» 09 2023 թ.

№ պկա/2-116Ե

«Իմմունոֆարմ» ՍՊԸ (ՀՎՀՀ 02835316)

ք. Երևան, Հ.Ներսիսյան 10-3/1

հեռ.010-23-08-40

էլ. փոստի հասցե՝ tender@immunofarm.net

ՀՀ պաշտպանության նախարարության և «Իմմունոֆարմ» ՍՊԸ ընկերության (այսուհետև՝
Ընկերություն) միջև 24.05.2023թ. կնքված N ԳՀԱՊՁԲ-23-9/15-4 գնման պայմանագրի
(այսուհետև՝ Պայմանագիր) շրջանակներում Ընկերություն 2023թ. 3-րդ և 4-րդ
եռամսյակներում պետք է մատակարարեր 5 լրակազմ «Հերպես IgM (I+II)»:

ՀՀ պաշտպանության նախարարի տեղակալին 16.08.2023թ. ներկայացրած գրության
համաձայն Ընկերությունը հրաժարվում է կնքված պայմանագրի շրջանակներում 34-րդ
չափաբաժնով նախատեսված 5 լրակազմ «Հերպես IgM (I+II) ապրանքատեսակի
մատակարարումից:

Հիմք ընդունելով վերոգրյալը ՀՀ պաշտպանության նախարարությունը 2023թ.
սեպտեմբերի 13-ին միակողմանի մասնակի լուծել է Պայմանագիրը չմատակարարված
ապրանքի մասով:

Տեղեկացնում ենք, որ «Իմմունոֆարմ» ՍՊԸ ընկերությունը պարտավոր է սույն ծանուցումը
ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության
կողմից բացված գանձապետական 900005028106 հաշվեհամարին փոխանցել 512 ՀՀ դրամ՝
որպես տույժ (Պայմանագրի 6.3 կետի համաձայն), տույժը հաշվարկված է մինչև
31.08.2023թ.:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝
Մասնակիցն ընդգրկվում է գնումների գործընթացին մասնակցելու իրավունք չունեցող
մասնակիցների ցուցակում, եթե խախտել է պայմանագրով նախատեսված կամ գնման
գործընթացի շրջանակում ստանձնած պարտավորությունը, որը հանգեցրել է պատվիրատուի
կողմից պայմանագրի միակողմանի լուծմանը կամ գնման գործընթացին տվյալ մասնակցի
հետագա մասնակցության դադարեցմանը և մասնակիցը հրավերով և (կամ) պայմանագրով

սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Հաշվի առնելով վերոգրյալը, տեղեկացնում եմ՝ Պայմանագրի միակողմանի լուծման արդյունքում պայմանագրի կատարման ապահովման գումարը կազմում է **17850** ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական **900005000758** հաշվեհամարին և որակավորման ապահովման գումարը կազմում է **26775** ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական **900008000664** հաշվեհամարին:

Միաժամանակ տեղեկացնում եմ, եթե մինչև **2023թ. սեպտեմբերի 29-ը** ներառյալ Ձեր կողմից վճարվի վերը նշված **17850** ՀՀ դրամ՝ պայմանագրի կատարման ապահովման և **26775** ՀՀ դրամ՝ որակավորման ապահովման գումարները, ապա «Իմնունֆարմ» ՍՊ ընկերությունը չի ներառվի գնումների գործընթացին մասնակցելու իրավունք չունեցող մասնակիցների ցուցակում: Նշված գումարները անհրաժեշտ է վճարել Կենտրոնական գանձապետարանում լիազորված մարմնի անվամբ բացված վերը նշված գանձապետական հաշիվներին և վճարված կտրոնների բնօրինակները մինչև **2023թ. սեպտեմբերի 29-ը** ներառյալ ներկայացնել ՀՀ ՊՆ գնումների կազմակերպման վարչություն, 2076 սենյակ:



Կ. ԲՐՈՒՏՅԱՆ